

Gielddaráđdehus**Áigi** 17.10.2022 dmu 13:00 - 15:45**Báiki** Hybridačoahkkinn, gielddadálu váldostivrasáale dahje teams-heivehus**Gieđahallon áššit**

§	Bajilčála	Siidu
163	Čoahkkima lágalašvuohta ja mearridanváldi	3
164	Beavdegirjji dárkkisteaddjiid válljen	4
165	Čoahkkima bargoortnega dohkkeheapmi	5
166	Dili birra oanehaččat	6
167	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	7
168	Ohcejoga gieldda biebmobálvalusaid ordnen 1.1.2023	8
169	Cealkámuš, Davvi-Lappi eanagoddelávva 2040	14
170	Davvi-Lappi eanagoddelávva 2040 stivrenjoavkku nammadeapmi	16
171	Gieldda boahtovearroproseantta nannen jahkái 2023	17
172	Giddodatvearu nannen jahkái 2023	18
173	Boarrásiidráđi doaibmanjuolggadus- ja plána	19
174	Harrastamisesta virtaa 2 -projeakta	21
175	Lassemearruhta Utsjoen digitaalinen elinvoima uDigi - projektii	24
176	Ruhtadili birra oanehaččat	26
177	Doaibmaorgánaid mearrádusat	27
178	Áššit diehtun	28

Oasseváldit

	Namma	Dmu	Bargu	Lassedieđut
Mielde	Guttorm Väinö	13:00 - 15:45	Ságadoalli	
	Länsman Vesa	13:00 - 15:05	Várreságadoalli	
	Kordelin Marjatta	13:00 - 15:45	Lahttu	
	Pohjanrinne Arto	13:00 - 15:45	Lahttu	
	Niittyvuopio-Valle Laura	13:00 - 15:05	Lahttu	
	Holmberg Aslak	13:00 - 15:45	Lahttu	
	Ahlakorpi Anni	13:00 - 15:45	Lahttu	
	Sammol Lukkari	13:00 - 15:25	Váldostivrra I várreságadoalli	
Eret	Konttinen Pirjo		Várrelahttu	
	Guttorm Urho		Várrelahttu	
	Hekkanen Eemeli		Várrelahttu	
	Porsanger Veikko		Várrelahttu	
	Jaatinen Eeva		Várrelahttu	
	Rasmussen Riikka		Várrelahttu	
	Tapiola Ilmari		Várrelahttu	
Eará	Pieski Taina	13:00 - 15:45	Gielddahoavda, áššemeannudeaddji	
	Länsman Marja	13:00 - 15:45	Beavdegirjedoalli	
	Aikio Maria Sofia	13:00 - 15:45	Tulka	

VuolláičállosatVäinö Guttorm
ságadoalliMarja Länsman
beavdegirjedoalli**Gieđahallon áššit**

163 - 178

Beavdegirji dárkkisteapmi

Dárkkistanáigi 17.10.2022

Anni Ahlakorpi

Aslak Holmberg

Beavdegirji lea dollojuvvon albmosis

Gielddadállu, guovddášdoaimmahat

Minna Lukkari
almmuhantávvala dikšu

Beavdegirji dárkkisteaddjit:

Čoahkkima lágalašvuohta ja mearridanváldi

Gr 17.10.2022 § 163

Gávnnavuvvo, ahte čoahkkin lea lágalaččat čoahkkái bovdejuvvon ja lea mearridanválddálaš.

Mearrádus:

Gávnnavuvvui, ahte čoahkkin lea lágalaččat čoahkkái bovdejuvvon ja lea mearridanválddálaš.

Beavdegirjedárkkisteaddjiid välljen

Gr 17.10.2022 § 164

Válljet čoahkkimii guokte beavdegirjedárkkisteaddji.

Mearrádus:

Beavdegirjedárkkisteaddjin välljejuvuiga Anni Ahlakorpi ja Aslak Holmberg.

Čoahkkima bargoortnega dohkkeheapmi

Gr 17.10.2022 § 165

Evttohus:

Gielddaráđdehus dohkkeha áššiid gieđahallanortnega čoahkkima evttohuslisttá mielde.

Mearrádus:

Evttohus dohkkehuvvui.

Dili birra oanehaččat

Gr 17.10.2022 § 166

Gielddahoavda muitala áigeguovdilis áššiid birra oanehaččat.

Evttohus:

Merkejuvvo diehtun.

Mearrádus:

Merkejuvvui diehtun.

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 17.10.2022 § 167

Gildii leat bohtán 13 st gávpenannejeaddji giddodatluohpadanalmmuhusat, listá giddodatluohpadanalmmuhusain lea siidomateriálan. Giddodatluohpadanalmmuhusat leat oppalohkáid oaidninláhkaid čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa váidimiin hálddahušiektái.

Gieldda mearrádussii leat geavatkeahhtá ovdaoastinvuoigatvuoda ii oaččo ohcat nuppástusa váidimiin.

Evttohus:

Gielddaráđdehus merke diehtun gávpenannejeaddji giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppi vuloš báikkiide.

Mearrádus:

Evttohus dohkkehuvvui.

Gielddaráđdehus

§ 8

17.01.2022

Gielddaráđdehus

§ 168

17.10.2022

Ohcejoga gieldda biebmobálvalusaid ordnen 1.1.2023

75/00.04.02/2021

Gr 17.01.2022 § 8

Lappi buresveadjinguovllu gaskaboddosaš doaibmaorgána bivdá Ohcejoga gieldda bealiváldima buresveadjinguovllu biebmobálvalusaid ordnemii.

Lappi buresveadjinguovlu álggaha doaimmas 1.1.2023. Buresveadjinguovlu galgá ordnet sierralárgan doarjjabálvalusaid oassin sosiála- ja dearvvasvuodábálvalusaid. Biebmofuolahusa bálvalusat fálljuvvojit áššehasaide/pasieanttaide sierra bálvalanovttadagain, mat leat buohcceviesut, dearvvasvuodaguovddážat ja ássanbálvalusovttadagat. Lassin biebmofuolahusa bálvalusaid fáallet ruoktot omd. ruoktobálvalusa áššehasaide.

Háhkánláhka ii atte vejolašvuoda dasa, ahte ovdamearkka dihte gieldda guovddášgievkkán buvttadivččii biebmofuolahusa bálvalusaid sihke gieldda ja buresveadjinguovllu bálvalusovttadagaide. Boahhtevaš bálvalusaid ordnemis leat gávnnavuvvon muhtun váldomolssaeavttut sihke daid áitagat ja vejolašvuodát.

1) Gieldda buvttada dárbbášlaš biebmobálvalusaid (skuvllat, beaiveruovttut) iežas bálvalussan dahje eará láhkai omd. gilvalahttimiin bálvalusaid.

Iežas buvttadeapmi lea sorjjasmeahtun eará doaibmiin. Buot čovdosat leat iežas gieđain. Áittan lea ovtadathattiid loktaneapmi, go buvttadanmearit geahppánit. Geavadis biebmobálvalusaid doaimma gártá dán molssaeavttus geahpedit vuolimus mearrái geassemánobajiid áigái ja dain sáhttet čuovvut bargoveahkaváikkuhusat.

Ohcejoga dáfus

- Ohcejohnjálmmi skuvlla bálvalangievkkana rievdadeapmi biebmoráhkadangievkkanin
- Válmmaštanmearit geahppánit sullii 30 %, ja das čuovvu máleshatti loktaneapmi
- Bargoveaga dárbu lassána (Ohcejohnjálmmi skuvlla biebmoráhkadangievkkan)
- Gáregasnjárgga ja Njuorggáma skuvlla biebmoráhkadangievkkanat eai sáhte vuovdit buresveadjinguovlui biebmobálvalusa

2) Buresveadjinguovlu buvttada dárbbášlaš biebmobálvalusaid (sode) iežas buvttadeapmin dahje eará láhkai.

Gielddaráđdehus	§ 8	17.01.2022
Gielddaráđdehus	§ 168	17.10.2022

Buresveadjinguovllu dáfus biebmobálvalusaid ordnen duššefal iežas bálvalussan livččii hui hástaleaddji, jos doaibma berre leat jođus 1.1.2023. Stuorámus hástalusat bohtet sadjegažaldagain, mášeniin, rusttegiin ja bargiin. Buresveadjinguovlu sáhtá maid gilvalahttit dárbbášlaš bálvalusaid márkaniin. Gilvalahttima loahppaboáđus sáhtášii leat hui mánggalágan. Stuorámus čuožáhagat beroštahttet eanemus, uhcimusaide ii vealttakeahtá oččoše fálaaldagaid ollege.

Ohcejoga dáfus

- Ohcejoga rabasbálvalanguovddášgievkkán ráhkada dušše sodebálvalussii mállásiid.
- Mo Gáregasnjárgga ja Njuorggáma boarrásiid mállásat?

3) Gielddat ja buresveadjinguovlu vuodđudit oktasaš čanusovttadaga, ovdamearkka dihte oasusearvvi, mii buvttada bálvalusaid gielddaide, oastá dárbbu mielde bálvalusaid gielddain, buvttada bálvalusaid buresveadjinguovlui ja oastá dárbbu mielde bálvalusaid buresveadjinguovllus (ng. inhouse čanusovttadat).

Oktasaš čanusovttadat, ovdamearkka dihte oasusearvvi, attášii vejolašvuoda geavahit dálá resurssaid maiddái dás ovddos. Geavadis biebmobálvalusat sirdojuvvošedje firpmáluohpademiin omd. oasusearvvi doaibman ja dat joatkašuvvošedje ovddit resurssaid veagas. Gielda ja buresveadjinguovlu oasttášedje bálvalusa čanusovttadagas ja čanusovttadat iežas dárbbášán bálvalusaid gielddain dahje buresveadjinguovllus. Čanusovttadaga buohta mearkkašahtti gažaldat lea dat, mo smávimus gielddaid váikkuhanválddi sáhtá duohtavuodas dáhkidit čanusovttadatsajádaga gáibádusaid mielde.

Ohcejoga dáfus

- Dálá bargoveahka ja buvttadansajit leat oktasaš anus
- Bálvalusat bastojuvvojit buvttadit buot čanusovttadaga eaiggáduššanáššehasaide, nappo gielddaide ja buresveadjinguovlui
- Dáhkiduvvo guvlui fuolahussihkarvuhta
- Oktasašbarggu mearkkašupmi guovlluguovdasaččat stuorru (omd. háhkamat, ict)
- Hástalussan gávdnat oktasaš málle ja dan organiseren
- In house fitnodatsearvi sáhtá vuovdit 5 % dahje 500 000 € fitnodatsearvi olggobeale doaibmiide málesbálvalusa
- Gáregasnjárgga ja Njuorggáma skuvlla biebmoráhkadangiievkkánat sirdásit vuodđudanvuloš fitnodatsearvi
- Gáregasnjárgga skuvlla gievkkan sáhtá vuovdit gárvvásmuvvi ássanbálvalusovttadahkii málesbálvalusaid, jos buresveadjinguovlu lea dahkan bálvalansoahpamuša ássanbálvalusovttadagain. Nu maiddái Ohcejoga rabasbálvalanguovddáš sáhtá vuovdit Ohcejoga

Gielddaráđdehus

§ 8

17.01.2022

Gielddaráđdehus

§ 168

17.10.2022

aspai málesbálvalusaid, jos buresveadjinguovlu lea dahkan bálvalansoahpamuša aspain.

4) Mii nu eará molssaeaktu

Eará molssaeaktu sáhtá leat mii nu ovddit čuoggáid 1 - 3 kombinašuvdna omd. guovlluguovdasaš čanusovttadagat dahje eará guovlluguovdasaččat ráddjejuvvon čoavddus. Gielda sáhtá maid teorijas vuodđudit márkaniin doaibmi oasussearvvi, mii sáhtášii oassálastit buresveadjinguovllu gilvalahttimiidda. Seammás gielda berre dákkár dilis rahpat iežas bálvalusdárbbuid márkanevttolaš gilvui.

Ohcejoga dáfus

- Gávpejohtu menddo uhcci iežas fitnodatsearvvi vuodđudeapmái
- Biebmobálvalusat leat friija márkaniin

Evttohus:

Gielddaráđdehus mearrida evttohit ležas oaidnun, ahte Lappi buresveadjinguovlui vuodđuduvvo ng. inhouse -čanusovttadat buresveadjinguovllu biebmobálvalusaid ordnema oasil ja Ohcejohka searvá áiggi mielde dasa.

Ortnegiin sihkkarasto biebmobálvalusaid fitnašuvvan oppa gieldda guovllus buot áššehasjoavkkuide nu normáladiliin go spiehkastatdilis.

Osolašsoahpamuša gárvviteamis váldojuvvo vuhtii guovlluviidosáš doaibmavuohki.

Mearráduš:

Evttohus dohkkehuvvui.

Gr 17.10.2022 § 168

Sode-ođastusas sosiála- ja dearvvasvuodábálvalusaid buvttadeami sirdásettiin buresveadjinguovlluid doaibman gielddat eai sáhte ieža buvttadit bálvalusaid buresveadjinguovlui, muhto doaimma ferte rievdadit fitnodatsearvin. Vuovdin buresveadjinguovlui lea doibmen márkaniin ja dan berre addit fitnodatsearvvi bargun. Go fas buresveadjinguovlui berre heivehit háhkanlága, go dat skáhppo bálvalusaid gieldda oamastan fitnodatsearvvis.

Ohcejoga gielddaráđdehus lea 17.1.2022 addán iežas oaivila Lappi Buresveadjinguovllu čielggadanbivdagii, ahte Ohcejoga gieldda

Gielddaráđdehus

§ 8

17.01.2022

Gielddaráđdehus

§ 168

17.10.2022

málesbálvalusat sirdása buresveadjinguovllu ja gieldda oamastan fitnodatsearvái (in house) 1.1.2023.

Buresveadjinguovlu lea vuodđudan Lapin Ateriapalvelut Oy – nammasaš fitnodatsearvi 30.6.2022, man mihttomearrin lea doibmet doarjjabálvalusfitnodahkan, mii buvttada biebmobálvalusaid oasusoamasteaddjiidasas. Lapin Ateriapalvelut Oy vástida eaiggátgielddaid guovllu sode-áššehasaid sihke árrabajásgeassima ja skuvllaid mállásiin.

Lappi buresveadjinguovlu lea lahkonan daid gielddaid, mat leat almmuhan gaskaboddasaš beroštumiset oktasaš in house fitnodatsearvái searvamis biebmobálvalusaid oasil. Dákkár gielddat leat Ohcejohka, Anár, Soađegilli, Suovvagoika, Muonio, Eanodat, Kolari, Ylitornio ja Tervola. Buresveadjinguovlu lea válmmaštallan osolašsoahpamušhápmosa, oasusjuohkima eavttuid ja fitnodatsearveortnega, masa gielddain leat leamaš vejolaš addit iežaset oaivila.

Lappi Ateriapalvelut Oy osolašsoahpamušhápmosis evttohuvo, ahte Lapin Ateriapalvelut Oy oasusoamasteaddjivuodđu viiddiduvvo oasusjuohkimiin borge-čakčamánu 2022 nu ahte, fitnodatsearvi loahpalaš oamastus livččii čuovvovaš. Lappi buresveadjinguovlu livččii 100 ossosa (50,3%) ja gielddat mat oasusoamasteaddjin 99 ossosa (49,7% olmmošlogu mielde). Stivrabáikkit 5 lahttui: Gielddain 2 lahtu ja Lappi Buresveadjinguovllus 3 lahtu ja ságajodiheaddji Lappi buresveadjinguovllu namaha stivra lahttu.

Dát evttohuvo juohku ii heiven oamastanoasis mielde gielddaide, go gielddaid iešmearridanvuogatvuoda vuodul gielddain berre seailut eanetlohku fitnodatsearvis. Gielddat ain vástidit čuvgehusbálvalusaid ja árrabajásgeassima mállásiin. Gielddat adde áššis oktasaš cealkámuša (22.8.2022).

Gielddaid cealkámušas gielddaid evttohus lea, Lapin Ateriapalvelujen Oy oasusjuohkimiin dákkár, Lappi buresveadjinguovlui 11%:a ja gielddaide 89 %:a oamastanoassodat, mas ossosat addojit gielddaide merkenláhkai daid olmmošlogu mielde ja stivrabáikkit 6 fásta lahttui. Buresveadjinguovllus okta (1) stivrabáiki ja gielddain vihtta (5) stivrabáikki, main okta ságajodiheaddji báiki.

Lappi buresveadjinguovllustivra dagai 14.9.2022 mearrádusa biebmobálvalusaid ordnemis Lappi buresveadjinguovllus. Mearrádusas ii váldojuvvon vuhtii gielddaid guođin cealkámuš oamastanoassodagas, muhto ossodagat bisso seammán. Dás lea čuvvon, ahte mánggat gielddat leat čielggadišgoahtán molssaevttolaš vuogi mo dikšut biebmobálvalusaid jagimosaga maŋŋá. Maid Lappi buresveadjinguovlu velá geavvá dán áššis ráđđádallamiid gielddaiguin golggotmánu 2022 áigge. Áigetávval lea

Giieldaráđdehus

§ 8

17.01.2022

Giieldaráđdehus

§ 168

17.10.2022

hui čavga. Gielddat berrejit almmuhit searvamis Lapin Ateriapalvelut fitnodatsearvái 31.10.2022 rádjai.

Soađegili giieldaráđdehus lea dahkan 12.9.2022 mearrádusa, ahte dat ii searvva fárrui Lapin Ateriapalvelut Oy nammasaš In-house fitnodatsearvái, muhto čielggada eará molssaeavttuid. Soađegili giieldaráđdehus lea mearridan vuodđudit 26.9.2022 Pohjois-Lapin Ruoka Oy nammasaš fitnodatsearvvi. Soađegilli lea jearran eará gielddaid beroštumi searvat fárrui oktasaš fitnodatsearvái, mii vuodđuduvvo.

Soahpamušhápmosis fitnodatsearvi lea Soađegili gieldda vuollefitnodatsearvi ja čuovvu ain Soađegili gieldda fámus orru konseardnarávva.

Pohjois-Lapin Ruoka fitnodatsearvvis lea unnimustá vihtta (5) lahtu. Soađegili gielda vállje stivrii ovttá (1) lahtu ja osolažžan leat gielddat ja guđege buresveadjinguovlu vállje ovttá (1) lahtu. Osolaš gielddain sáhtá leat stivrras maid oktasaš ovddasteaddji. Stivrabadji lea guokte (2) jagi.

Ohcejoga gielddas leat guokte molssaeavttu biebmobálvalusaid ordnedeapmin 1.1.2023: Jogo searvat osolažžan Lapin Ateriapalvelut Oy fitnodatsearvái dahje searvat osolažžan Pohjois-Lapin Ruoka Oy fitnodatsearvái. Iežas biebmobálvalusfitnodatsearvvi vuodđudeapmi ii leat Ohcejoga sturrosaš smávva gildii realisttalaš molssaeaktu.

Guovtti fitnodatsearvvi gaskasaš veardádallan lea dahkkon dálá dieđuid vuodul. Veardádallama dáfus ávkkálaš málesgoasttádusdieđut eai leat leamašan velá fidnemis. Veardádallamis deattuhuvvet oaidninvuogit, mat dorjot Ohcejoga gieldda váikkuhanvejolašvuodaid mállásiid sisdollui, láhkái ja haddái váldimiin vuhtii smávva gieldda málesmeriid ja maid boaittus sajádagas gártet viehka alla logistihkka goasttádusat. Guktuide fitnodatserviide searvama várás galgá investeret fitnodatsearvvi vuodđudanoaiveopmodahkii árvvu mielde sullii 15.000 euro sturrosaš álgoaiveopmodaga, mii gullá jagi 2023 gieldda doaibma- ja ekonomiiaplánii. Goasttádusat dárkkálmuvvet osolažžan searvama maŋŋá, go lea dieđus fitnodatserviid osolaččaid loahpalaš lohku ja ossosiid juohkáseapmi.

Siidomateriálan fitnodatserviid veardádallan, guktuid fitnodatserviid searvansoahpamušat ja maid fitnodatsearveortnega hápmosat ja gielddaid gaskaboddasaš cealkámuš in-house fitnodatsearvvi ossosiid juohkáseamis

Evttohus:

Gielddaráđdehus	§ 8	17.01.2022
Gielddaráđdehus	§ 168	17.10.2022

Addojuvvo čoahkkimis.

Čoahkkimis addon evttohus:

Gielddaráđdehus evttoha váldostivrii, ahte Ohcejoga gielda vuolga fárrui Soađegili gieldda vuodđudan Pohjois-Lapin Ruoka Oy nammasaš fitnodatsearvái.

Mearrádus:

Čoahkkimis addon evttohus dohkkehuvvui.

Boddu dmu 13.52-13.58. Bottu maŋŋá ságadoalli gávnnahii, ahte buohkat, geat ledje mielde álgosaš nammačuorvumis, leat mielde čoahkkimis.

Juohkin

Váldostivra

Cealkámuš, Davvi-Lappi eanagoddelávva 2040

17/10.02.00/2020

Gr 17.10.2022 § 169

Lapin liitto jođiha Davvi-Lappi eanagoddeláva válmmaštallama. Eanagoddelávva hábme davimus Lappii váldoprinsihpaid guhkás boahtteáigái, jahkái 2040. Jagis 2017 johtui bidjon Davvi-Lappi eanagoddelávva 2040 guoská Anára, Soađegili ja Ohcejoga gielddaid. Eanagoddelávva gomihá fápmui boađedettiin dálá Davvi-Lappi eanagoddeláva.

Davvi-Lappi eanagoddeláva sierraiešvuodát leat earet eará ahte dat sajáiduvvá riikkarádjái ja sámiid ruovttuguvlui ja maid guovllu minerálavejolašvuodát ja viiddis suodjalanguovllut. Lávva dahkkojuvvo ovttas guovllu olbmuiquin, gielddaiguin, fitnodateallimiin ja eará doaibmiiguin.

Eanagoddelávva lea oppalaš guhkes áigegaska eanageavahusa plána, mainna ráhkkanit molssaevttolaš boahtteáiggi oidnosiidda. Lávva addá saji ja vejolašvuodaid boahtteáiggi ovddideapmái ja plánemii. Dat ráhkada vuodu guovllu ovddidandoaimmaide ja guovlluguovdasaš čovdosiid dahkamii.

Eanagoddelávvenemis vástidit oppa Suomas eanagotti lihtut nappo Lappis Lapin liitto. Lapin liitto válmmaštallá eanagoddelávvena eanageavahan- ja huksenlága mielde ja čuovvu lágas mearriduvvon gulahallanvuogi. Lassin lávvadahkki sáhhtá bivdit maid sierra ráđđádallamiidda ja sáhhtá addit friijahápmásaš máhcahaga oppa lávvenproseassa áigge.

Ođđa eanagoddelávva galggai válmmašduvvát jagis 2021. Lappi váldostivra máhcahii čoahkkimisttis 17.5.2021 Davvi-Lappi eanagoddeláva 2040 ođđasis válmmaštallamii. Davvi-Lappi eanagoddeláva 2040 evttohusa materiála lea leamaš MRL 65 §:a ja MRA 12 §:a mielde albmosis 12.10. – 15.11.2020 Anára, Soađegili ja Ohcejoga gielddadálus sihke Lapin liitto doaimmahagas.

Lapin liitto ovdanbuvttii rievdaduvvon Davvi-Lappi eanagoddeláva Ohcejoga gieldda luohhtámuš- ja virgenjunušolbmuide 8.9.2022. Guovddášrievdadus ovddit eanagoddelávvaápmosa ektui guoská Jieknjameararuovdegeaidnolinnjá guođđima eret lávas. Lapin liitto lea bivdán guovllu gielddaid oaiviliid eanagoddelávvamateriálas 31.10.2022 rádjai.

Materiála gávdno Lapin liitto ruoktosiidduin:
<https://www.lapinliitto.fi/aluesuunnittelu/maakuntakaavoitus/vireilla-olevat-maakuntakaavat/pohjois-lapin-maakuntakaava/>

Mearrádus:

Gielddaráđdehus dohkkeha Davvi-Lappi eanagoddeláva 2040 cealkámuša (čuovusin).

Mearrádus:

Ságadoalli jugii gielddaráđdehusa lahtuide Álbmotlaš Olgešbellodaga, Vuodđosuopmelaččaid sihke Suoma Kristtalašdemokráhtalaš bellodaga ovddasteaddjiin čohkkejuvvon nuppástusevttohusaid gielddahoavdda gárvvistan cealkámuššii. Marjatta Kordelin evttohii, ahte gielddaráđdehus dohkkeha nuppástusevttohusaid cealkámuššii. Väinö Guttorm ja Arto Pohjanrinne guottiheigga Marjatta Kordelin evttohusa.

Anni Ahlakorpi evttohii, ahte gielddaráđdehus dohkkeha gielddahoavdda gárvvistan cealkámuša. Laura Niittyvuopio-Valle guottihii Anni Ahlakorpi evttohusa.

Ságadoalli gávnnašii, ahte čoahkkimis lei dahkkon áššemeannudeaddji evttohusas spiehkasteaddji guottihuvvon evttohus. Ságadoalli evttohii, ahte čađahuvvo nammačuorvunjienasteapmi, mas JAA lea áššemeannudeaddji evttohus ja EI Marjatta Kordelin guottihuvvon evttohus. Jienastanortnet dohkkehuvvui. Jienat addojuvvojedje oktiibuot 7 st, mas JAA jienat 4 st (Vesa Länsman, Laura Niittyvuopio-Valle, Aslak Holmberg, Anni Ahlakorpi) ja EI jienat 3 st (Väinö Guttorm, Marjatta Kordelin, Arto Pohjanrinne). Jienasteami vuodul gielddaráđdehus dohkkehii gielddahoavdda gárvvistan cealkámuša.

Arto Pohjanrinne guđii sierraoavila mearrádusas. Evttohuuvon nuppástusaid livččii galgan dohkkehit, nuppástusevttohusaid galgá laktit beavdegirjái. Väinö Guttorm ja Marjatta Kordelin searvvaiga Arto Pohjanrinne sierraoavilii.

Čuvvosat

Čuovus Davvi-Lappi eanagoddeláva 2040 cealkámuš
1

Juohkin

Lapin liitto

Davvi-Lappi eanagoddelávva 2040 stivrenjoavkku nammadeapmi

17/10.02.00/2020

Gr 17.10.2022 § 170

Lapin liitto bivdá nammadit Davvi-Lappi eanagoddeláva 2040 lahtuid ja sidjiide várrelahtuid 25.10.2022 rádjai.

Stivrenjovkui galggašii nammadit gielddaid njunuš luohttámuš- ja virgeolbmuid. Gielddain fásta lahtuid lassin áššedovdin sáhtta oassálastit gieldda lávvenbarggus vástideaddji, jus son ii gula stivrenjovkui fásta lahtun.

Stivrenjovkui bivdit nammadit sihke nissoniid ja albmáid. Jus stivrenjovkui välljet luohttámušolbmuid, berre goit sin oasil váldit vuhtii ahte dásseárvvu ollašuvvá. Stivrenjoavkku lahtut ovddastit eiseváldiid, mat dábálaš vuogi mielde vástidit ovddasteaddjiideaset dienasmassimiin ja mátkegoluin.

Evttohus:

Gielddaráđdehus nammada lahtuid ja várrelahtuid stivrenjovkui, nappo 3 luohttámušolbmo ja ovtta virgeolbmo sihke sidjiide várrelahtuid.

Mearrádus:

Aslak Holmberg evttohii, ahte virgeolmmošlahtun nammaduvvo gielddahoavda ja várresadjái eallinfápmohoavda. Anni Ahlakorpi guottihii Aslak Holmberg evttohusa.

Aslak Holmberg evttohii, ahte lahtun nammaduvvo Niila Laiti ja sutnje várrelahtun Anni Ahlakorpi.

Arto Pohjanrinne evttohii, ahte lahtun nammaduvvo Veikko Porsanger ja várrelahtun Marjatta Kordelin.

Vesa Länsman evttohii, ahte lahtun nammaduvvo Laura Niittyvuopio-Valle ja várrelahtun Urho Guttorm.

Evttohusat dohkkehuvvui ovttamielalaččat.

Boddu dmu 14.45-14.48. Bottu maŋŋá ságadoalli gávnnašii, ahte buohkat, geat ledje mielde álgosaš nammačuorumis, leat mielde čoahkkimis.

Juohkin

Lapin liitto

Gieldda bohtovearroproseantta nannen jahkái 2023

191/02.03.00/2013

Gr 17.10.2022 § 171

Gieldalága 111 § mielde manjimustá bušeahta dohkkeheami oktavuodas váldostivra galgá mearridit gieldda bohtovearroproseanttas, giddodatvearroproseanttain sihke eará vearuid vuodustusain. Čuovvovaš jagi vearroproseanttaid galgá almmuhit vearrohálddahussii manjimustá skábmamánu 17. beaivve. Jagi 2023 bohtovearroproseanta almmuhuvvo proseantaovttadaga čuođátoasi dárkilvuodain.

Sosiála- ja dearvvasvuodabálvalusaid sihke gádjundoaimma ordnenvástu ja goasttádusaid sirdit gielddain buresveadjinguovlluide. Doaimma ruhtadeami várás gielddaid vearroruhtadeami boađuid sirdit stáhtii. Mearkkašahtti oassi sirdimis dahkko gielddavearu bokte. Buot Nannán-Suoma gielddaid bohtovearroproseanttat vuoliduvvojit 12,64 proseantaovttadaga veardde.

Jagi 2022 vearroproseanta lea 21,00, man mielde gieldda bohtovearroproseantan jahkái 2023 bohtá 8,36 proseantta.

Evttohus:

Gielddaráđdehus evttoha váldostivrii, ahte dat nanne jagi 2023 bohtovearrun 8,36 proseantta.

Mearrádus:

Evttohus dohkkehuvvui.

Juohkin

Váldostivra

Giieldaráđđehus § 172 17.10.2022

Giddodatvearu nannen jahkái 2023

192/02.03.00/2013

Gr 17.10.2022 § 172

Giddodatvearrolága 11 §:a mielde váldostivra mearrá gieldda giddodatvearroproseanttaid sturrodaga lágas mearriduvvon molsašuddangaskka rájáid siste ja čuođátoasi dárkilvuodain jahkásaččat ovddalgihtii seammás go dat nanne vearuhanmeannudanlága mielde váriiddikšunjagi bohtovearroproseantta.

Jagis 2022 giddodatvearu badje- ja vuolleráját leat dát:

	Min. %		Max. %	Ohcejogas j. 2022
Oppalaš giddodatvearru	0,93	2,00	1,25	1,30
Fásta viesu gv.	0,41	1,00	0,65	0,53
Eará ássanviesuid	0,93	2,00	1,60	1,22
Fápmolágádusaid	0,93	3,10	-	
Huksekeahtes huksensadji	2,00	6,00	2,00	

Rádjeárvvuiguin giddodatvearu bohtu lea dát:

	Vearuhanárvu €	Min%€	Max% €
Oppalaš giddodatvearru	23.152.348,00	215.316,84	463.046,96
Fásta viesu gv.	26.316.018,00	107.895,67	263.160,18
Eará ássanviesuid	12.718.025,00	118.277,63	254.360,50
Huksekeahtes huksensadji	39.706,00	794,12	2.382,36
Oktiibuot €	62.226.097,00	442.284,26	982.950,00

Giddodatvearu mearri jagis 2021 lei 645.330 euro. Giddodatvearru lea árvoštallon jahkái 2022 čoggot sullii 805.000 euro.

Evttohus:

Giieldaráđđehus evttoha váldostivrii jagi 2023 giddodatvearroproseanttaid ná:

Oppalaš giddodatvearru	1,25
Fásta viesu giddodatvearru	0,65
Eará ássanviesuid gv	1,60
Huksekeahtes huksensadji	2,00

Mearrádus:

Evttohus dohkkehuvvui.

Juohkin

Váldostivra

Beavdegirjii dárkkisteaddjit:

Vuođđodorvolávdegoddi	§ 61	15.09.2022
Gielddaráđdehus	§ 173	17.10.2022

Boarrásiidráđi doaibmanjuolggadus- ja plána

2/00.04.04/2013

Vudolg 15.09.2022 § 61

Boarrásiidráđđái galgá addit vejolašvuođa váikkuhit gieldda iešguđet doaibmasurggiid doaimma plánemii, válmmaštallamii ja čuovvumii áššiin, main lea mearkašupmi ahkeolbmuid buresveadjima, dearvasvuođa, oasálašvuođa, eallinbirrasa, ássama, lihcadeami dahje beaivválaš doaimmain nákcema dahje sidjiide dárbbášlaš bálvalusaid hárrái.

Hálddahunjuolggadusa 13 § mielde boarrásiidráđi čoahkkáibijus, ásaheamis ja doaibmama eavttuin mearrida gielddaráđdehus. Gielddaráđdehus lea čoahkkimis 07.12.2021 § 190 mearridan, ahte Ohcejoga boarrásiidráđi doaibmama eavttuin mearrida vuođđodorvolávdegoddi.

Ohcejoga boarrásiidráđi lea ráhkadan boarrásiidráđđái doaibmanjuolggadusa ja -plána ja gieđahallan daid boarrásiidráđi čoahkkimis 4.8.2022 ja mearridan evttohit daid vuođđodorvolávdegodđái dohkkehan láhkai.

Lassemateriálan Ohcejoga boarrásiidráđi doaibmanjuolggadus- ja plána.

Evttohus:

Vuođđodorvolávdegoddi dohkkeha Ohcejoga boarrásiidráđi doaibmanjuolggadusa ja -plána ja evttoha daid ovddosguvlui gielddaráđdehussii dohkkehan láhkai. Doaibmanjuolggadus bohtá fápmui gielddaráđdehusa gieđahallama maŋŋá.

Mearráduš:

Vuođđodorvolávdegoddi dohkkehii Ohcejoga boarrásiidráđi doaibmanjuolggadusa ja evttoha dan ovddosguvlui gielddaráđdehussii dohkkehanláhkai. Doaibmanjuolggadus bohtá fápmui gielddaráđdehusa gieđahallama maŋŋá.

Boarrásiidráđi gárvvistan doaibmaplánas leat logahallon gieldda barggut, mat leat lágas meroštallon. Doaibmaplánas galggašii leat boarrásiidráđi plána konkrehtalaš doaimma birra. Plána máhcahuvvo boarrásiidráđđái ođđasit válmmaštallama várás.

Gr 17.10.2022 § 173

Evttohus:

Beavdegirjii dárkkisteaddjit:

Vuodđodorvolávdegoddi

§ 61

15.09.2022

Gielddaráđdehus

§ 173

17.10.2022

Gielddaráđdehus dohkkeha Ohcejoga boarrásiidráđi doaimanjuolggadusa (čuovusin).

Mearrádus:

Evttohus dohkkehuvvui.

Merkejuvvui beavdegirjái, ahte Vesa Länsman ja Laura Niittyvuopio-Valle vulggiiga čeahkkimis dmu 15.05 ovdal mearrádusa dahkama.

Čuvvosat

Čuovus Boarrásiidráđi doaimanjuolggadus
2

Juohkin

Ohcejoga boarrásiidráđi

Čuvgehuslávdegoddi	§ 90	13.09.2022
Gielddaráđdehus	§ 174	17.10.2022

Harrastamisesta virtaa 2 -projeakta

43/12.04.03/2021

Čuvlg 13.09.2022 § 90

Astoáiggedoaimma lea ožžon GUVI:s (su. AVI) Áiggeáji Suoma málle veahkkeruđa 28 000 € áiggeáji- ja riekkedoaimma ordnemii mánáide skuvlabeivviid oktavuhtii lohkanjahkái 2022-2023. Veahkkeruhta gokčá projeavtta goluin eanemustá 80 % ja gieldda iežasvástuoassi galgá leat unnimustá 20 %, nappo 7000 euro.

Vs. astoáigečálli lea plánen rieggáid mánáide álgi lohkanjahkái ovttas skuvllaiguin. Rieggát ordnejuvvojit oktiibuot 8, maid oktavuodas mánáide fáallo nealgádat. Muhtun rieggáid oasil mánáide ordnejuvvo sáhttu skuvllas riekkesbáikái. Lassin rieggáid várás skáhppot juoidá biergasiid, mat dahket doaimma vejolažžan. Projeavtta iežasvástuoasi gokčá ollislaččat astoáigečálli guovtti mánotbaji bálkágolot projeavtta koordinerengollun.

Projeavtta bokte ordnejuvvojit dát rieggát:

Gáregasnjárga
Báhčínriekkis
Duodji-lášmmohallanriekkis
Gorkņodanriekkis - lášmmohallanriekkis

Njuorggán
Soabbeheastariiekkis
Vuodjanriekkis - koahkkariiekkis
Akrobatiiija - parkourriekkis

Ohcejohka
Nerf- boffererenriekkis
Akrobatiiija-parkourriekkis

Projeavtta golloárvvoštallan lea 35 000 €. Gieldda iežasvástuoassi oppa projeavtta áigge lea 7000 euro.

	Jahki 2022	Jahki 2023	Oktiibuot
Boađut	15 000 €	13 000 €	28 000 €
Golut	17 882 €	17 118 €	35 000 €
Netto	-3 576	-3 424	7000 €

Ášši válmmaštalai vs. astoáigečálli Janne Mustonen

Evttohus:

Beavdegirji dárkkisteaddjit:

Čuvgehuslávdegoddi

§ 90

13.09.2022

Giieldaráđđehus

§ 174

17.10.2022

Čuvgehuslávdegoddi evttoha giieldaráđđehussii ja ain gielldastivrii,

1) lassemearreruđa juolludeami Harrastamisesta virtaa 2 - projektii válmmaštallama mielde jahkái 2022,

2) miediha projektii álggahanlobi ja projektii vuodđuduvvo, goastádusbáiki,

3) astoáigedoaimmačáli ovtta mánotbaji bálkágoluid sirdima projektii jahkái 2022 astoáigedoaimma geavahanváriin, dáinna gokčojuvvo jagi 2022 gieldda iežasvástuoassi.

4) jagi 2023 oasil projeakta váldo vuhtii bušeahta gárvviteamis. Astoáigečáli ovtta mánotbaji bálkágoluit vuhtii váldojit bušeahta gárvviteamis seamma láhkai go jagis 2022.

Mearrádus:

Evttohusa mielde, astoáigečáli 3 576 € bálkágoluid sirdima projektii jahkái 2022 astoáigedoaimma geavahanekonomiijas, dáinna gokčat jagi 2022 gieldda iežasvásttu.

Jagi 2023 dáfus projeakta váldo vuhtii bušeahttaárvalusa ráhkadettiin. Astoáigečáli bálkágoluit 3 424 € váldojit vuhtii bušeahttaárvalusas seamma láhkai go jagis 2022.

Gr 17.10.2022 § 174

Evttohus:

Giieldaráđđehus dohkkeha ja evttoha ain ahte váldostivra dohkkeha projeavtta lassemearreruđa sihke astoáigečáli bálkágoluid sirdima čuvgehuslávdegotti evttohusa mielde. Projektii juolluduvvui álggahuslohpi dainna eavttuin, ahte váldostivra dohkkeha lassemearreruhtaevttohusa. Jagi 2023 oasil projeakta sihke astoáigečáli bálkágoluid sirdin váldo vuhtii bušeahta gárvviteamis.

Mearrádus:

Evttohus dohkkehuvvui.

Juohkin

Váldostivra

Beavdegirjii dárkkisteaddjit:

Eallinfápmolávdegoddi

§ 57

03.06.2022

Gielddaráđdehus

§ 175

17.10.2022

Lassemearruhta Utsjoen digitaalinen elinvoima uDigi -projektii

22/00.01.05/2022

Eallflg § 57

Projeavtta ruhtadeaddji lea EAKR (Lappi lihttu). Fámus orru projektamearrádusa mielde projeavttas lea oasseollašuhttin ProAgria Lappi Ry. Ovttastus doaibmá goit dál stivrra haga. Stivrra geahččalit čohkket ođđasit geassemánu badjelmearálaš ovttastusčoahkkimis, muhto jos ovttastus ii oaččo dalle ođđa stivrra čoahkkái, de mearriduvvo dasa čielggadanolmmoš ja ovttastusa heaitindoaimmat álggahuvvojit.

Ovddabealde govviduvvon rievdan dili mielde ProAgria Lappi ry ii sáhte doaibmat oasseollašuhttin projeavttas ja oasseollašuhtti bušeahhta burgojuvvo ja máhcahuvvo nolladássái ja dat sirdojuvvo projeavtta oastobálvalusaide. Oastobálvalusaide sirdinláhkai submi lea 36 000 euro oppa projeavtta áigodagas (18 000 per jahki). Dán nuppástusa mielde Ohcejoga gieldda iežas ruhtadanoassi stuorru 3600 euroin ja lea ná 10 % oastobálvalusain.

Projektanuppástusa mielde projeavtta ođđa ollesbušeahhta lea 190 434 euro, mas Ohcejoga gieldda ruhtadanoassi lea oktiibuot 19 043 euro. Dán mielde projektii sohppojuvvon Ohcejoga gieldda álgosaš ruhtadeapmi 15 443 euro ii reahkká gokčat gieldda rievdan oasi, 19 043 euro. Projekta dárbbášage gielddas lassemearruđa 3600 euro, mii juhkkojuvvo jagiide 2022 ja 2023.

Evttohus:

Lávdegoddi evttoha gielddaráđdehussii ja ain váldostivrii, ahte projektii juolluduvvo lassemearruhta jahkái 2022 sihke 2023 ná:

Jahkái 2022 lassemearruhta 1800 euro.

Jahki 2022, manut 95 216 euro, boadut 85 695 euro, netto 7721,5 euro + ohcanláhkai lassemearruhta 1800 €/j, nu ahte netto livččii oktiibuot 9521 euro.

Jahkái 2023 lassemearruhta 1800 euro.

Jahki 2023, manut 95 218 euro, boadut 85 696 euro, netto 7721,5 euro + ohcanláhkai lassemearruhta 1800 €/j, nu ahte netto livččii oktiibuot 9522 euro.

Mearrádus:

Lávdegoddi evttoha gielddaráđdehussii ja ain váldostivrii, ahte projektii juolluduvvo lassemearruhta 1800 euro jahkái 2022.

Eallinfápmolávdegoddi

§ 57

03.06.2022

Gielddaráđdehus

§ 175

17.10.2022

Manut 95 216 euro, boađut 85 695 euro, netto 7721,5 euro + ohcanláhkai lassemearruhta 1800 €/v nu ahte netto livččii oktiibuot 9521 euro.

Jagi 2023 lassemearruhta gieđahallo jagi 2023 bušehta oktavuodas maŋnelis.

Gr 17.10.2022 § 175

Evttohus:

Gielddaráđdehus dohkkeha ja evttoha ain váldostivrii ahte dohkkehuvvo lassemearruhta uDigi projektii 1800 euro jahkái 2022.

Jagi 2023 ossodat vuhtiiváldo bušehta gárvvisteamis.

Mearrádus:

Evttohus dohkkehuvvui.

Juohkin

Váldostivra

Ruhtadili birra oanehaččat

Gr 17.10.2022 § 176

Gullat ruhtadili birra oanehaččat.

Evttohus:

Merkejuvvo diehtun.

Mearrádus:

Merkejuvvui diehtun.

Merkejuvvui beavdegirjái, ahte Sammol Lukkari vulggii čoahkkimis dmu 15.25 ášši gieđahallama áigge.

Doaibmaorgánaid mearrádusat

Gr 17.10.2022 § 177

Lávdegottiid beavdegirjijt galget doaimmahuvvot gielddahovdii njealje beaivve siste beavdegirjji dárkkisteamis. Giieldaráđdehusas lea váldinvuoigatvuohta lávdegottiid, iežas juhkosa sihke vuollásaš stivrra ja virgehálldašeaddji mearrádusaide. Váldinmearrádusa sáhtá dahkat giieldaráđdehus dahje dan ságadoalli, gielddahoavda dahje stivrennjuolggadusas mearriduvvon virgedoalli. Váldinvuoigatvuođa galgá geavahit maŋimušta njulgengáibádusáiggi siste. Geavadis gielddahoavda manná lávdegottiid mearrádusaid čađa. Go giieldaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjijt diehtun ja seammás mearriduvvo, ahte váldinvuoigatvuohta ii geavahuvvo beavdegirjjiide gullelaš áššiin. Beavdegirjjiid kopijiat eai laktojuvvo giieldaráđdehusa beavdegirjái, muhto dat galget leat lahtuid geavaheamis giieldaráđdehusa čoahkkimiin.

Čuovvovaš doaibmaorgánaid beavdegirjijt leat oaidnin láhkai čoahkinbáikkis:

Čuvgehuslávdegoddi 13.9.2022, Vuodđodorvolávdegoddi 15.9.2022, Teknihkalaš lávdegoddi 30.9.2022, Eallinfápmolávdegoddi 4.10.2022, Čuvgehuslávdegoddi 6.10.2022.

Evttohus:

Giieldaráđdehus merke diehtun doaibmaorgánaid dahkan mearrádusaid ja gávnaha, ahte GiieldaL 51 §:a mielde váldinvuoigatvuohta ii leat geavahuvvon.

Mearrádus:

Evttohus dohkkehuvvui.

Áššit diehtun

Gr 17.10.2022 § 178

Evttohus:

Giieldaráđdehus merke diehtun bohtán čuovvovaš áššebáhpáriid:

Kela

- Kela almmustahtii ohcamušskoviid nuortalašgillii
- Ráđdehus evttoha rievdadusaid láhkii áigái bohtindoarjagis

Giieldabargoaddit/
Kuntatyönantajat

- Giieldasuorggi oktasaš bargo- ja virgeeaktosoahpamuša (KVTES) 2022-2025 0,5 proseantta sturrosaš buot ámmátsurggiid guoski eari juohkin

Lappi buresveadjinguovlu

- Guovllustivra 14.9.2022 beavdegirjji válddus § 259 Biebmobálvalusaid ordnen Lappi buresveadjinguovllus

Lapin liitto

- Gádjunlávdegotti beavdegirjji 31.8.2022

Davvi-Suoma hálddahusriekti

- Nuppástusvuloš mearrádus Gr 28.2.2022 § 42

Mearrádus:

Merkejuvvui diehtun.

Nuppástusohcangildosat

Gildosiid vuoddu	Čuovvovaš mearrádusain ii gieldalága 136 § mielde oaččo dahkat vuigengáibádusa iige gieldaváidaga, dasgo mearrádus guoská dušše válmmaštallama dahje ollašuhttima: Paragrátat 163, 164, 165, 166, 168, 169, 171, 172, 174, 175, 176, 177, 178
	Dasgo mearrádusas sáhtá dahkat gieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragrátat 167, 170, 173
	Hálddahuslágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohat nuppástusa váidimiin. Paragrátat ja váidingildosiid vuoddosat

Vuigengáibádusrávvagat

Vuigen- gáibádus- virge- oapmahaš ja -áigi	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus: Ohcejoga gielddarádđehus PL 41 99981 Ohcejohka Paragrátat 167, 170, 173 Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidnin lánkai almmolaš diehtofierbmái.
Vuigen- gáibádusa sisdoallu	Vuigengáibádusas galgá boahit ovdan gáibádus oktan vuodsiiguin ja dan galgá dahkki čállit vuollái.

Váiddačujuhus

Váiddavir- geoapma- haš ja váidináigi	Čuovvovaš mearrádusaide oažžu ohat nuppástusa čálalaš váidagiin. Vuigengáibádusas addojuvvon mearrádussii oažžu ohat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohat nuppástusa gieldaváidagiiguin maiddá áššáiosolaš sihke gieldda lahttu.
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU
	Gioldaváidda, paragrátat Váidináigi 30 beavvi
	Hálddahusváidda, paragrátat Váidináigi beavvi
	Eará váiddavirgeoapmahaš, čujuhus ja poastačujuhus Paragrátat Váidináigi beavvi beavvi beavvi
	Váidináigi álgá mearrádusas dieđu oažžumis. Váidináiggi rehenasttedettiin diehtunoažžunbeaivi ii váldojuvvo lohku.

Váiddagirji	<p>Váiddagirjiis galgá almmuhit</p> <ul style="list-style-type: none"> - váidi nama, poastačujuhusa, ruovttugieldda ja telefonnummira - mearrádusa, masa ohcá nuppástusa - man ráje mearrádusas váidojuvvo ja nuppástus, mii dasa gáibiduvvo dahkat - nuppástusgáibádusa ákkaid <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangiellada, poastačujuhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duodaštuvvon kopiijan sihke duodaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkojuvvot.</p>
Váiddaášše girjiid doaimmaheapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimus beaivi lea bassebeaivi, iehčanasvuodabeaivi, válborebeaivi, juovla- dahje jonsotruohtta dahje árgalávvardat, de váiddaáššegirjiid oazžu doaimmahit váiddavirgeoapmahažžii vuosttas beavve dan mañjá. Iežas ovddasvástádusain váiddaáššegirjiid sáhtta sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahit ovdal go váidináigi nohká.</p> <p>Váiddaáššegirjiid sáhtta doaimmahit maid: nama, čujuhuse, poastačujuhuse Paragrafat</p> <p>Váiddaáššegirjiid galgá doaimmahit 1): nama, čujuhuse, poastačujuhuse Paragrafat</p>
Lasse-dieđut	<p>Dárkilis vuigengáibádusráva/váiddačujuhuse laktojuvvo beavdegirji váldosii.</p>

¹⁾ Jos doaimmahuvvo eará sadjái go váiddavirgeoapmahažžii.